

ADASA NDZINOA HO DAWURBO

NYIENYIM

Ɔnam de adasa hon enyimnyam ye per na ndzinoa a obi ngye mmfi hon nsamu a wɔwɔ no ngyetomu nye wiadze yi mu fahodzi, perperdzi, ntsentsenenee na asomdwee ne fapem;

Ɔnam de tsia a yetsiatsia nyimpa ne ndzinoa do no dze ewurkadze nwenwen a obiara tsia aba, na afei so wɔabo wiadze a ɔreba a no mu nyimpa benya fahodzi wɔ kasa, gyedzi, suro na ohia ho dawur de nyimpapem nyina hon ahwehwɛdze tsitsir,

Ɔnam de ohia pɛpɛpɛ de yemmpe de yeye adasa ndzinoa ho mbra,

Ɔnam de ohia de wotu aman na aman ntamu anyenkoye nkitahodzi mpon,

Ɔnam de Amanaman Nkabɔmu Kuw mu nyimpa nyina edua Farbaa Nwoma no do agye hon gyedzi a ɔwɔ adasa awose ndzinoa, nyimpa n'enyimnyam na nyimpa no bo a ɔsom, na mbanyin na mbaa hon ndzinoa a ɔye per ato mu na wɔabo hon enyim biriw de wobotu asetsena mu kankɔ na atseyie mpon,

Ɔnam de aman a wɔdɔm Amanaman Nkabɔmu Kuw no abɔ ɔdabaa de wɔnye Kuw no bɛye ahwehwe amansuon nyina enyiedzi ama adasa ndzinoa na awose fahodzi ntsi.

KUW NO BAGUA KESE NO

Paa mu kɔ de:

Afei,

NHYIAMU KESE NO YI ADASA NDZINOA HO DAWURBO no kyere de: ɔno nye nhwhɛdɔdze tsitsir a ɔwɔ ho ma nyimpa na aman nyina, ama ankorankor biara na nyimpa kuw biara, sɛ wɔdze dem dawurbo yi si hon enyim a, wɔaabo mbɔɔzen edua nkyere na adzesua do ama nkorɔfo eedzi ndzinoa na fahoazi ahorow no nyi; na wɔaatɔa do afa honara hon man na amanaman nhyehyɛ do wɔama wɔaagyɛ dawurbo yi ato mu na woedzi do wɔ Aman a wɔdɔm Nkabɔmu Kuw no mu biara mu nye asaase biara a wɔhyɛ hon ase no so do.

Asempɔw 1

Wɔwo adasa nyina to fahodzi mu, na hon nyina ye per wɔ enyimnyam na ndzinoa mu. Wɔmaa hon nyina adwen na tsibowa, na ɔwɔ de hon nkitahodzi mu ndzeyɛ da no edzi de wɔye enuanom.

Asempɔw 2

Obiara wɔ ndizona na fahodzi a wɔada no edzi wɔ Dawurbo yi mu no ho kwan a nyiyimu biara nnyi mu a ɔfa no obi n'awosu anaa no honamenyi ngyegyɛ mbrɛ ɔtse, de ɔye banyin anaa ɔye basia, ne kasaa a ɔkɔ, ne nyamesom mbrɛ ɔtse, amanye ho adwen a ɔwɔ, ne man anaa asetsena mu gyinabew a ofi mu, egyapadze a ɔwɔ, n'awofo hon gyinabew anaa gyinabew fofor biara so a ɔwɔ ho.

Bio, onnyi de wogyina ɔman a obi fi mu no n'amanye kwan, ne mbra anaa n'amanandze gyinabew do-de ɔman no dzi ne mansin, de ɔhyɛ ɔman bi no nhwɛdo ase, anaade onnyi fahodzi, ye nyiyimu tsia nyimpa no.

Asempɔw 3

Nyimpadua no nkwa, ne fahodzi, na no tɔtrɔto ye obiara ne ndzinoa.

Asempɔw 4

Onnyi de wɔdze obiara to nkowaasom mu anaade wɔma ɔsom ɔsomhun; ɔwɔ de wogu nkowaasom na ndɔnkɔgua korakora.

Asempɔw 5

Onnyi de wɔye obiara ayakayakadze, etsiɔdzɛndze anaa enyinyandze anaa wɔtsea no anaa wɔma no asotwe biara a ɔsɛɛ dasanyi n'enyimnyam.

Asempɔw 6

Ɔye obiara ne ndzinoa de, mbra mu, wɔbu no de nyimpa wɔ beebiara.

Asempɔw 7

Nyimpa nyina ye per wɔ mbra no enyim, na hon nyina fata mbra no ne ntɔitwagyɛ a nyiyimu nnyi mu. Obiara wɔ ho kwan de mbra no bo no ho ban tsia nyiyimu a obu Dawurbo yi mu nsempɔw no mu biara do no, nye nunu biara a wonunu nyimpa ma ɔye ma ɔye nyiyimu no.

Asempɔw 8

Obiara a wɔaye bon etsia ne ndzinoa a mbra na amambu ho mbra ma no ho kwan no, wɔ ho kwan de odua asɛndzi baguafo do gye nsiesie anaa mpata a ɔfata.

Asempɔw 9

Onnyi de abɔtsirmu ara wɔkyer obi, wɔdze no sie, anaa wɔtwa no esu.

Asempaw 10

Obiara wɔ ho kwan de bagua asendzifo a wonnton hon asowa nndzi tsena hwehwe n'asem mu pefee wɔ ne ndzinoa, n'asadze anaa ewudzisem ho sombo bi a wɔdze abɔ no ho.

Asempaw 11

Obiara a wɔabɔ no sombo bi a ɔdze ntsea nam no wɔ ndzinoa de wɔbu no de odzi bem kesi de, woedzi n'asem ama no kwan biara a ohia de ɔdze tstsew no ho, na woebu no fɔ de mbre mbra kyere.

Onnyi de wɔbu obiara fɔ na wɔtsea no wɔ ndzeyee bi a onnye ntsea nam ase. Na eso onnyi de wɔma obi ntsea a ɔbor no mfonno a ɔaye no ho ntsea do.

Asempaw 12

Onnyi de abɔtsirmu ara wɔdze ɔho hyehye obi no kɔkoamunsem, n'ebusuasem anaa n'efisem mu; anaade wogu n'enyimnyam na ne dzin ho fi. Ɔye obiara ne ndzinoa de mbra bɔ no ho ban tsia ndzeyee a ɔtsetse dem yi.

Asempaw 13

Ɔye obiara ne ndzinoa de okyinkyin na ɔtsena ɔman bi n'asaase do bea biara a ɔpe.

Ɔye obiara ne ndzinoa de ofi ɔman biara mu (noara ne man kã ho) na ɔsan ba ne man mu bio.

Asempaw 14

Obiara wɔ ndzinoa de ɔhwehwe na onya guansuma wɔ ɔman bi do fi atseetsee ho.

Onnyi de dem ndzinoa yi wobisa wɔ hon bi a ɔmmfa manye ho anaa otsia Amanaman Nkabɔmu Kuw no ne nhyehyee a onyia no aye ma woridzi n'asem wɔ ho biara ho.

Asempaw 15

Obiara wɔ ndzinoa de ɔye ɔman bi ba.

Onnyi de abɔtsirmu ara wɔma obi hwer n'amambaye, anaade wɔmma no kwan mma ɔnnsesa n'amambaye.

Asempaw 16

Ɔye mbanyin na mbaa a hon enyi efifir hon ndzinoa de wɔwar na wɔwo mba, na awosu, amambaye anaa nyamesom nnsiw iyi ho kwan. Mbanyin na mbaa nyina hon ndzinoa a wɔwɔ no awar ho no ye per wɔ awar ber no mu nye awar no ngui no mu so.

Adze ara a ɔwɔ de awar no gyina do nye asakuw ebien a wɔrowar no hon pe a nhye nnyi mu.

Okun, ɔyer na mba bɔ mu kor de abɔasee kuw a nyimpa kuw biara ne farbaa fi mu wɔ adasa mu, na ɔye hon ndzinoa de nyimpakuw no na ɔman no bɔ hon ho ban.

Asempaw 17

Obiara wɔ ndzinoa de onya egyapadze a ɔye no nko nedze, anaade ɔnye nkorɔfo bi bɔ mu nya dem egyapadze no.

Onnyi de abɔtsirmu ara wɔgye obi n'egyapadze fi ne nsamu.

Asempaw 18

Obiara wɔ ndzinoa de ɔye n'adwen, ɔsoa noara ne tsibowa, ɔfa nyamesom biara a ɔpe. Dem ndzinoa yi ne fã bi nye kwan a obiara wɔ de ɔsesa ne nyamesom anaa ne gyedzi na kwan so a ɔfa do dze ma ne gyedzi no da edzi wɔ bagua mu anaa nsumaa mu, de ɔno nko anaade nyimpa binom kã ho wɔ iyi mu.

Asempaw 19

Obiara wɔ ho kwan de ɔkyere n'adwen wɔ biribi ho. Dza ɔkã dem ndzinoa yi ho nye de obiara botum aye n'adwen wɔ biribi ho a ntotoananmu biara nnyi mu. Dza ɔkã ho bio so nye de otum anaa otsie asem nye nsusui biara a ɔnam kwan biara do na efi mbea nyina, na ɔma nyimpa binom so tse.

Asempaw 20

Obiara wɔ kwan de ɔko nhyiamu a ɔye asomdwee ase, na ɔdom fekuw biara.

Onnyi de wɔhye obiara ma ɔdom fekuw bi.

Asempaw 21

Ɔye obiara ne ndzinoa de osuo mu ma wɔbu ne man de ɔnoara dzi bano wɔ mu, anaade obosuo mu ma woeyi ananmusifo.

Ɔye obiara ne ndzinoa de onya kyefa wɔ ɔman adɔdɔdze biara a ɔwɔ ne man mu no mu.

Ɔwɔ de aban no tum gyina ɔmamfo hon pe do. Dem pe yi wɔnam ambatow a no mu da ho a wɔtow no ne ber ano do da no edzi, akorɔfo a wɔasɔ ambatow no wɔ de wɔma wɔtow amba wɔ nsumaa mu a nhye biara nnyi mu.

Asempaw 22

Ankorankor biara, de nye amamba bo, wo ndzinoa de aman no bo n'eyiedzi ho ban. Owɔ de wɔfa aman no no mbɔɔden do, anaa bataboa bi a dem aman no nye aman fofor bi ye do ma amamba biara n'eyiedzi ba mu de mbre aman kor no ne sikasem, n'asetsena na n'amambra no tum a ama n'enyimnyam dzi mu no tse.

Asempɔw 23

Obiara wo ndzinoa de nye edwuma. nye ne ndzinoa de ɔfa edwuma a ɔpe de nye, na nye ne ndzinoa de wɔma no edwumaye mu nhyehyee pa, na wɔɔ noho ban fi fietsena ho.

Nye obiara ne ndzinoa de wɔma no akatua a ɔfata n'edwuma a nye a, nyimpa nyiyimu biarannyi mu.

Obiara a nye edwuma no wo ndzinoa de onya akatua a ɔse na ɔtsen a ɔbema ɔnye n'ebusuafo enya asetsena a ɔfata nyimpa n'enyimnyam, na se ohia mpo a, ɔwo de wɔɔde asetsena mu nhyehyee ho ekyigyina bi fɔa akatua no do.

Nye obiara ne ndzinoa de ɔtsew anaa ɔɔm edwumayeɔ kuw bi dua do dze bo n'eyiedzi ho ban.

Asempɔw 24

Obiara wo ahomgye na bɔɔɔdziber ho kyefa; mber a wɔahyehye a ɔmma edwumaye mmbor do, na akwanma ber a wotua odwumayenyi no kaw so kɔ iyi ho.

Asempɔw 25

Obiara wo ndzinoa de ɔnye n'ebusuafo nya asetsena yi mu eyiedzi a ɔbema woenya ahoɔɔden nye asetsena pa, edziban, akataho, tsenabew, eduye na asetsena mu nhyehyee pa.

Nye obiara ne ndzinoa so de, ze ɔhwer n'edwuma, ɔyar, onya dzemdzi bi, no hokafo wu, mpanyinye ma nye mberew, anaade biribi ama ma onntum nnhwe noho a, onya asetsena mu ekyigyina. Owɔ de mbasiafo a wotur mba na mbofra nyina wɔma hɔn mboa soronko. Mbofra nyina, de wɔwoo hɔn wo awar ase, anaade wɔwoo hɔn wo sɔnmu, wo de wɔma hɔn asetsena mu bambo per.

Asempɔw 26

Nye obiara ne ndzinoa de ohu nwoma. Mbofraber mu nwomasua na ahyese nwomasua a ɔtse dem no nnyi de wɔgye ho sika. Nye nhye de abofra biara nya mbofraber mu nwomasua. Owɔ de wɔma mfirdwuma, na nsaanodwuma ho adzesua nye dwumadzi horow ho nwomasua ye beberee. Suapon mu nwomasua so wo de nye beberee na obiara a no mbɔɔɔɔmbo fata no wɔma no ho kwan.

Owɔ de nwomasua nyina no botae ye de ɔhwehwe nyimpa dasanyi no mu nyina no mpontu nye enyidzi keɔe a ɔbɔba nyimpa mu wo adasa hɔn ndzinoa ahorow a wɔwo no ho. Owɔ de otu ntsease, gyaamu-ma-ɔnka na anyenkoye mpon wo aman, nyimpakuw na nyamesom ho ekuw nyina mu; na ɔbɔɔba atow Amanaman Nkabɔmu Kuw no dwumadzi ako kan dze ama asomdwee eetsim.

Awofo wo ndzinoa de wɔbɔkyere nwomasua kor a ɔwo de hɔn mba nya.

Asempɔw 27

Obiara wo ndzinoa de ɔɔɔe noho fora ne man m'amambra mu na onya enyigye fi aman no n'amandze nsaanodwuma mu na onya kyefa wo abɔɔɔe nyansape na mfaso a ɔɔɔe ba no mu so.

Obiara wo ndzinoa a ofi abɔɔɔenyansape, nwomasua anaa amandze, nsaanodwuma adzeye bi a noara dze bɔbɔɔ adze no mu ba no ne bambo no mu.

Asempɔw 28

Obiara wo ho kwan de onya kyefa wo asetsena anaa amanaman nhyehyee a okitsa ndzinoa na fahodzi horow a wɔada no edzi wo dem Dawurbɔ wo Mpaamukɔ yi mu no mu.

Asempɔw 29

Obiara wo asodzi wo nyimpa kuw a ɔtse hɔn mu no mu; ho nko ara nye bea a no mpontu a odzi mu botum aba a akwansiwdze bi nnyi ho.

Ber a obi dze ne ndzinoa na ne fahodzi ridzi dwuma no, ɔwo de nye dza mbra hwehwe wo no ho ama binom so eenya hɔn kyefa nye hɔn fahodzi. Owɔ de onya no bo bra tsenenee na nye guadoadzeye de mbre ɔɔɔow amambu mu eyiedzi adzeye ho ntsetsee tse.

Onnyi de wɔfa kwan biara a otsia Amanaman Nkabɔmu Kuw no ne nhyehyee do dze hwehwe ndzinoa na fahodzi ahorow yi.

Asempɔw 30

Onnyi de nyimpa biara ma nkyerease wo Dawurbɔ yi mu nsem yi ho a ɔbema aman, nyimpakuw anaa ankorankor bi tum ma ɔaaye biribi a ɔbese ndzinoa na fahodzi ahorow a wɔada no edzi wo nwoma yi mu no.